



Na osnovu Statuta Islamske zajednice Bošnjaka u Švedskoj, član 6, Skupština IZBUŠ-a na svojoj sjednici održanoj u gradu Jönköping, dana 17. oktobra 2020. godine, usvojila je:

PRAVILNIK O JEDINSTVENOJ ČLANARINI I VJERSKIM USLUGAMA

Član 1.

Pravilnik regulira:

- prava koja se stječu redovnim plaćanjem članarine,
- vjerske usluge za članove Islamske zajednice i
- vjerske usluge za nečlanove Islamske zajednice.

OPĆE ODREDBE

Član 2.

- a. Svaki punoljetni građanin, sa boravkom u Švedskoj (Folkbokförda), koji prihvate Statut Islamske zajednice Bošnjaka u Švedskoj i njenih lokalnih džemata i Pravilnik o članarini i vjerskim uslugama imaju pravo putem pristupnice postati članom Islamske zajednice i putem Porezne uprave plaćati članarinu.
- b. Članom Islamske zajednice postaje se potpisivanjem pristupnice. Ukoliko se pristupnica potpiše do 31. oktobra tekuće godine, članarina se počinje naplaćivati od početka naredne godine i od tada se stječu sva prava po ovom pravilniku. Ukoliko se to desi poslije 31. oktobra tekuće godine, članarina se počinje naplaćivati početkom druge godine od potpisivanja pristupnice i od tada se stječu sva prava po ovom pravilniku. Maloljetna djeca stječu sva prava od momenta kad se jednom od njihovih roditelja počne naplaćivati članarina.
- c. Potvrdu o članstvu može izdati samo Sekretarijat IZBUŠ-a.
- d. Preseljenjem u drugi džemat zadržava se kontinuitet članstva, s tim da je član obavezan da o tome obavijesti Islamsku zajednicu Bošnjaka u Švedskoj.
- e. Članovi koji više ne žele biti članovi Islamske zajednice, dužni su da o tome pismenim putem obavijeste Islamsku zajednicu Bošnjaka u Švedskoj. Ukoliko se obavijest o istupanju potpiše do 31. oktobra tekuće godine, članarina se prestaje naplaćivati od naredne godine. Ukoliko se to desi poslije 31. oktobra tekuće godine, članarina se plaća i narednu godinu. Prava regulirana ovim pravilnikom ostvaruju se sve dok se naplaćuje članarina.
- f. Da bi se ponovo učlanili u Islamsku zajednicu, potrebno je potpisati novu pristupnicu.



ČLANARINA ISLAMSKJE ZAJEDNICE

Član 3.

Članarina iznosi 0,7 % od bruto oporezovanih primanja. Članovi koji nemaju prihoda za oporezivanje plaćat će paušalnu članarinu u iznosu od 365 kr. godišnje na principu dobrovoljnosti.

Članovi koji rade u drugim državama i čiji prihodi se ne oporezuju u Švedskoj plaćat će članarinu u iznosu 0,7% od svojih primanja koja se oporezuju. Da bi ostvarili prava po ovom pravilniku u tekućoj godini dužni su sekretarijatu IZBUŠ-a dostaviti izvještaj o svojim primanjima u preklanjskoj godini i dokaz da su na osnovu tih primanja izvršili uplatu članarine prije početka tekuće godine.

Član 4.

Porezna uprava sredinom svakog mjeseca uplaćuje 1/12 godišnje članarine svih članova na račun Islamske zajednice Bošnjaka u Švedskoj. Islamska zajednica Bošnjaka u Švedskoj zadržava 8 % od ukupne članarine koju Porezna uprava uplati na račun IZBUŠ-a na ime članarine koju su džemati obavezni plaćati IZBUŠ-u, a preostala sredstva uplaćuje na račun matičnih džemata članova Islamske zajednice.

PRAVA ČLANOVA ISLAMSKJE ZAJEDNICE

Član 5.

Članovi Islamske zajednice imaju pravo na potpuno besplatne sve usluge pobrojane cjenovnikom usluga ovog pravilnika. Pored ovih pogodnosti, član Islamske zajednice bez dodatnih plaćanja ima pravo:

- učestvovati u svim vjerskim obredima, programima i manifestacijama koje organizira džemat ili IZBUŠ,
- na odgoj i obrazovanje djece kroz mektebsku nastavu,
- koristiti prostorije džemata za privatne svečanosti vjerskog karaktera,
- na pomoć po privatnim potrebama i diskretan razgovor s imamom u vezi bilo kojeg ličnog ili porodičnog problema i
- biti biran u organe IZ, uz uvjet da je član IZBUŠ-a u kontinuitetu najmanje tri godine i da se koristi bosanskim jezikom.

Član Islamske zajednice dužan je brinuti se o svojoj zajednici, njenim potrebama i problemima.

Članovi koji odjave svoju adresu kod Porezne uprave automatski gube sva prava.

Član 6.

Licima koja nisu članovi Islamske zajednice ne može se pružiti vjerska usluga sve dok ne izvrše uplatu preciziranu ovim pravilnikom.

Ovo se odnosi na imame i na džemate, kako u Švedskoj tako i u BiH.

U slučaju da umrla osoba oporuči ko će obaviti dženazu ili neku drugu vjersku uslugu, džemati su dužni da u skladu s ovim Pravilnikom to ispoštuju.



CJENOVNIK USLUGA

Član 7.

VJERSKE USLUGE	NEČLANOVI	ČLANOVI
Akika	2 000	0
Dova za sunnetluk	2 000	0
Vjenčanje	2 000	0
Ikrar dova	2 000	0
Dova za useljenje u kuću ili stan	2 000	0
Mevlud – Tevhid	2 000	0
Dženaza-namaz	3 000	0
OSTALE USLUGE		
Gasul	5 000	0
Ćefini	2 000	0
Pomoć u organizaciji dženaze	2 000	0
Potvrda o kontroli valjanosti gasula	1 000	0

Član 8.

- a. Džemat izdaje potvrdu samo za usluge koje je izvršio.
- b. Ukoliko se prilikom dženaze traži samo usluga klanjanja dženaze, familija umrlog je dužna da od džemata pribavi potvrdu o kontroli valjanosti obavljenog gasula. Prije izdavanja ove potvrde potrebno je da imam, ili neka druga osoba koju ovlasti džemat, prisustvuje obavljanju gasula. Za ovu uslugu, pored potvrde o kontroli valjanosti gasula, familija umrlog dužna je uplatiti i taksu za pomoć u organizaciji dženaze.
- c. Način raspodjele svih naplaćenih taksi za nečlanove određuje Izvršni odbor IZBUŠ-a posebnim aktom.

Član 9.

Ove cijene odnose se na usluge u mjestu u kojem imam živi. Ukoliko se usluga vrši izvan mjesta boravka imama, dodatno se plaćaju putni troškovi na osnovu pravila koja određuje Porezna uprava.

Ovaj pravilnik je usvojen na Skupštini Islamske zajednice Bošnjaka u Švedskoj, održanoj 2. 2. 2013. godine u Gislavedu. Posljednja izmjena usvojena je na Skupštini IZBUŠ-a 17. 10. 2020. Važeci je od dana usvajanja sve dok se ne izmijeni ili usvoji novi.